

Nunatsinni atuarfinnut namminersortunut aningaasatigut tapiissuteqartannginnissamut Naalakkersuisut inatsisissatut siunnersuummik suliaqaqqullugit Inatsisartut aalajangiiffigisassaattut siunnersuut.

Inatsisissatut siunnersuut kingusinnerpaamik UKA2026-mi saqqummiunneqassaaq.

(Inatsisartunut ilaasortaq Kuno Fencker, Naleraq)

(Siullermeerneqarnera)

Inatsisartunut ilaasortaq Kuno Fencker qujanaq siunnersuummut.

Meeqqat atuarfii assigiinngitsut, meeqqanut tamanut tulluarsinnaapput, assigiinngissuseq aporfiunani, tunuliaqutit assigiinngitsut meeqqanut tamanut tulluarsinnaasut.

Meeqqat tunuliaqutaat assigiinngissitaartoq, meeqqalli meeraanerminni misigisaat ataatsimuussuseq nuannersoq, ataqatigiinneq, kammagiinneq, aporaaffeqarsinnaaneq, oqaloqatigiinneq, aaqqeeqatigiinneq, tassa meeqqani tamanna aamma peqqinnartoq, meeqqat atuarfianni pisarpoq sumiluunniit.

Meeqqat atuarfii isigisassaanngillat immikkoortiterinertut sumiluunniit, inersimasulli eqqarsartariaaseq immikkoortitsineq atulersimaguniuk inersimasumiippoq meeqqaniunngitsoq, meeqqammi meeraanermi immikkoortiterineq atuinnarsinnaanngilaa, inersimasulli oqaatsimikkut timimikkullu immikkoortitserisinnaatitaaneq atulersimaguniuk aatsaat meeqqani ingerlaalertarpoq taanna pissuseq, taamaammat immikkoortitserinertut taaneqarsinnaanngilaq.

Meeqqat atuarfiat Nuuk International Friskole tassaavoq Nuummi atuarfik, meeqqat atuartut amerlasuut toqqassisimaffiat ataatsimoorfiattu, atuarfik taanna annertuumik meeqqanut qitiutitsisuuvoq, meeqqat meeraanissaannik inissaqartitsisoq, misigissutsit salliunneqartut, akisussaaffimmik meerartaminnut ineriartortitsisoq, ilinniarniinnaanngitsumik misigissutsinilli aamma eqqummaariffiusumik, taamaammat pisussamisoorsorinngilarput Demokraatiniik pisortanik tapiiffigineqartarunnaassasoq.

Atuarfimmilu pingaartitat tassaapput meeqqat ineriartornissaat pinnguarneq, oqaloqatigiinneq, atuarnertu aallaavigalugit, tassa taanna aamma peqqinnartumik meeqqanut inerisaaneq. Eqqummaariffiginneq.

Angajoqqaammi kiffaanngissuseqarput meeqqatik sumi atuassanersut, kikkulluunniit aamma meeqqatik NIF-mi allatsissinnaavaat taamaammat immikkoortitserinertut taaneqarsinnaanngilaq.

Siunnersuuteqartumulli imak apererusullunga ullumikkut Kommune ataani meerarpassuit eqqugaqqapput inissaqaratik, allaat avataaniik tikittut meera inissaqanngillat ilaatigut, tamanna illit qanoq eqqarsaatigiviuk? Meeqqat atuarfiini kommune ataaniittuni Klassemi ataatsimi meeqqat



amerlasoorujussuupput, sulí amerlaneroqqinnissaat kissaatigigit? Tassami aningaasaqarnikkut taperneqarneq unikkaluarpát aqqutissat ilarissavaat meerarpassuit aniassasut NIF-miik tamannalu Kommune ataani takorloorneqarpoq Naleqqamiik Meeqqat ataatsimoorfigissagaat, meeqqat ataatsimooreerput.

Aammalu Angajoqqaat akisussaasuupput meeqqami qanoq avatangiiseqarnissaannut perorsaassallutik, ataatsimoorneq, inuaqatigiinnut akulerusimaneq, timersorneq allallu, taamaammat Nuuk International Friskole immikkoortitserinertut taakkartorneqarnera eqqortuusorinngilarput, inuaqatigiittut kiffaangissuseqarpugut qanoq meeqqagut sumilu atuassaneranik, kisialli angajoqqaatut akisussaasuuvugut meeqqatta qanoq ulluinnarni inuaqatigiinni akuutinnissaannut.

Inuaqatigiinnut qiviassagutta meeqqeriveqarnermut meeqqerivimmiittuteqaraanni angajoqqaat aallaaviullutik akilersuinerit nalilersorneqartarput, tassa imaappoq angajoqqaat akissarsiaat aallaavigalugit akilersuineq ingerlasarpoq, angajoqqaat ilaat akiliineq ajorput ilaalli akilersuipput tamanna assigiinngitsitaarneq pivoq pisortani.

Siunnersuut taamatut oqaaseqaatitalerlugu itigartinneqarnissaa innersuunneqarpoq.